

Povodom osmog izdanja

## Cilj je pravedno napredno građansko kladuško društvo

**S**vjedoci smo najava i začetaka globalnih ozbiljnih turbulencija (zaštita načela slobodne trgovine i sistema multilateralne trgovine, igrarija oko koncenzusa i odustajanja moćnika, jednostranih otkazivanja međunarodnih sporazuma-ugovora, najava protekcionizma, novih polarizacija, brojnih povreda međunarodnih konvencija, raznih sudovanja, bahatih ugrožavanja ljudskih prava i sloboda...) koje mogu rezultirati nesagledivim posljedicama za čovječanstvo općenito, a posebno u područjima sa krhkim demokratskim procedurama koja se svakim danom izlažu novim nejednakostima po svim bitnim aspektima i koja će na kraju krajeva platiti najveću cijenu kako se to već dešava (primjer hipotekarne krize 2008). Općina Velika Kladuša (Općinsko vijeće i njegove komisije, načelnik sa svojom administracijom, korumpirani činovnici i njihovi jataci iz realnog sektora) uporno nastavljaju sa diskriminacijom medija, ignorisanjem građanskih inicijativa, bahatim raspolaganjima sa budžetom čašćavanjima šakom i kapom, (ne)svjesno uporno nastoje promovirati i implementirati „sistem vrijednosti“ koji nema uporište u kladuškom naslijeđu (solidarnost, socijalna pravda...) i vode kladuško društvo u nepoželjnom smjeru (ne prema EU)!

Višegodišnja kladuška (ne)formalna, kolokvijalna, medijska, i svaka druga sučeljavanja s kraja minolog i prve decenije 21. stoljeća



Najvjerodostojniji način promovisanja Koncepta prakticira se Biltenom za društvena kretanja

rezultirala su koncem 2013. godine formulacijom Koncepta **Unaprijedimo Kladušu zajedno**.

Radi se o svojevrsnoj otvorenoj knjizi za sve realno dobre i pozitivne ideje, poduhvate, ostvarenja, izazove, sa kranjim ciljem poboljšanja efikasnosti ukupnog djelovanja u funkciji kvalitetnijeg društvenog standarda i uvjeta za podizanje porodice.

Centralni smisao Koncepta jeste pravedno napredno građansko kladuško društvo sa modernim percepcijama i implementacijama temeljnih vrijednosti (pra-

vednost, jednakost, solidarnost...) u kontekstu vremena i prostora.

Sadržaj Koncepta čini pet strateških dokumenata o kojima većina Kladuščana treba postići koncenzuse i formalizirati ih u okviru kolektiviteta (političkih stranaka, zainteresovanih organizacija civilnog društva...), te konačno institucionalizirati na Općinskom vijeću i publikovati u Službenom glasniku.

Osnovni razlozi pojave i formulacije Koncepta jesu činjenice koje upućuju na sveukupno nazadovanje Velike Kladuše u odnosu na

dinamiku bh prosjeka.

Opće poznati i dostupni socioekonomski i drugi pokazatelji o ostvarivanjima ljudskih prava, građanskih sloboda na području Velike Kladuše nedvojbeno potvrđuju nazadovanja koja su dugo vremena (ne)svjesno ignorisana.

Koncept u formalnom smislu promovira **Partnerska grupa** (44 participanta) sa svojim prijateljima i svima koji prihvataju autentični kladuški interes u sintagmi: „Pravedno napredno građansko kladuško društvo sa primjernim odnosom prema prirodi, resursima, poštenim međuljudskim ponašanjima u skladu sa dobrim tradicijama i njegovanjem kulture dijaloga“, svima koji na različite načine doprinose i učestvuju u operacionalizaciji poduhvata i izazova unapređenja stanja i djelovanja u lokalnoj zajednici poštivajući dobru praksu građanskog aktivizma. Promocija Koncepta se prakticira na sve primjerno dostupne načine kako različitim formama kolokvijalnih razgovora tako i promotivnim listićima (do sada pet izdanja).

Najvjerodostojniji način promovisanja Koncepta prakticira se **Biltenom za društvena kretanja** (do sada sedam izdanja publikovanih u tiražu od 300 kom.) koji se distribuiraju subjektima na području općine (mjesne zajednice, džematski odbori, civilna udruženja, biblioteke, javna preduzeća i ustanove, predsjedavajući OV i načelnik), narodnim izabranicima, pripadnicima intelektualnih krugova...).



USAID i CPCD su novčano pomogli Projekat

nastavak na narednoj strani